

BOSNA I HERCEGOVINA
Konkurencijsko vijeće



BOSNA I HERCEGOVINA
Konkurencijski savjet

Rješenje

**Po Prijavi koncentracije privrednih subjekata Elektroprivreda Republike Srpske i Lugos
Renewables Karlatolt Felelossegu Tarsasag**

**Sarajevo,
Novembar 2022. godine**



Broj: UP-06-26-1-005- 24 /22
Sarajevo, 16.11.2022. godine

Na osnovu člana 25. stav (1) tačka e), člana 42. stav (1) tačka d), a u vezi sa članovima 12., 14., 16. i 18. Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po Prijavi koncentracije privrednih subjekata Mješoviti Holding Elektroprivreda Republike Srpske, Matično preduzeće a.d. Trebinje, Stepe Stevanovića bb, 89101 Trebinje i Lugos Renewables Karlatolt Felelossegu Tarsasag, Gesztenye utca 2, 6500 Baja, Republika Mađarska, podnesenoj putem opunomoćenika advokata Naide Čustović, Zmaja od Bosne 7, 71000 Sarajevo, zaprimljenoj dana 17.01.2022. godine pod brojem: UP-06-26-1-005-1/22, Konkurencijsko vijeće, na 111. (stotinujedanaestoj) sjednici održanoj dana 16.11.2022. godine, donijelo je

R J E Š E N J E

1. Ocjenjuje se dopuštenom koncentracija na tržištu proizvodnje, trgovine i snabdijevanja električnom energijom na teritoriji entiteta Republike Srpske koja će nastati sticanjem kontrole privrednog subjekta Lugos Renewables Karlatolt Felelossegu Tarsasag nad privrednim subjektom Solarna fotonaponska elektrana Trebinje 1 kupovinom (..)*¹⁰% vlasničkih udjela.
2. Obavezuju se Podnosioci prijave, privredni subjekti Mješoviti Holding Elektroprivreda Republike Srpske, Matično preduzeće a.d. Trebinje i Lugos Renewables Karlatolt Felelossegu Tarsasag, da uplate administrativnu taksu u ukupnom iznosu od 5.000,00 KM (pet hiljada konvertibilnih maraka) u korist Budžeta institucija Bosne i Hercegovine.
3. Ovo Rješenje o koncentraciji se upisuje u Registar koncentracija.
4. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko Distrikta Bosne i Hercegovine.

Obrazloženje

Konkurencijsko vijeće Bosne i Hercegovine je dana 17.01.2022. godine pod brojem: UP-06-26-1-005-1/22, zaprimilo Prijavu koncentracije privrednih subjekata Mješoviti Holding Elektroprivreda Republike Srpske, Matično preduzeće a.d. Trebinje, Stepe Stevanovića bb, 89101 Trebinje (dalje u tekstu: Elektroprivreda RS) i Lugos Renewables Karlatolt Felelossegu Tarsasag, Gesztenye utca 2, 6500 Baja, Republika Mađarska (dalje u tekstu: Lugos) (dalje u tekstu zajedno označeni kao: Podnosioci prijave), putem opunomoćenika advokata Naide Čustović, Zmaja od Bosne 7, 71000 Sarajevo, kojom privredni subjekt Lugos Renewables Karlatolt Felelossegu Tarsasag, u smislu člana 12. stav (1) tačka b) pod 1) Zakona o konkurenciji ("Službeni glasnik BiH", br. 48/05, 76/07 i 80/09) (dalje u tekstu: Zakon), stiće kontrolu nad privrednim subjektom Solarna fotonaponska elektrana Trebinje 1, Stepe Stepanovića bb, Trebinje (dalje u tekstu: Trebinje 1 ili Ciljno društvo

¹ (..)*- podaci predstavljaju poslovnu tajnu

Podnosilac prijave je predmetnu prijavu dopunio podnescima:

- UP-06-26-1-005-2/22 od dana 18.01.2022. godine,
- UP-06-26-1-005-6/22 od dana 09.03.2022. godine,
- UP-06-26-1-005-8/22 od dana 21.03.2022. godine,
- UP-06-26-1-005-9/22 od dana 24.03.2022. godine,
- UP-06-26-1-005-10/22 od dana 30.03.2022. godine,
- UP-06-26-1-005-13/22 od dana 20.04.2022. godine,
- UP-06-26-1-005-14/22 od dana 22.04.2022. godine,
- UP-06-26-1-005-17/22 od dana 10.06.2022. godine,
- UP-06-26-1-005-18/22 od dana 28.07.2022. godine i
- UP-06-26-1-005-21/22 od dana 15.09.2022. godine.

Podnosioci prijave su u skladu s članom 30. stav (2) Zakona u istoj naveli da prijavu koncentracije nisu podnijeli ovlaštenim tijelima izvan teritorije Bosne i Hercegovine.

Uvidom u podnesenu Prijavu, Konkurencijsko vijeće je utvrdilo da je ista podnesena u zakonskom roku, u skladu s članom 16. stav (1) Zakona.

Po prijemu dokumentacije Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona o konkurenciji, dana 16.11.2022. godine, aktom broj: UP-06-26-1-005-22/22.

Uvidom u dostavljenu dokumentaciju utvrđeno je slijedeće:

1. Učesnici koncentracije

Učesnici predmetne koncentracije su privredni subjekti Mješoviti Holding Elektroprivreda Republike Srpske, matično preduzeće a.d. Trebinje, Stepe Stevanovića bb, 89101 Trebinje, Lugos Renewables Karlatolt Felelossegu Tarsasag, Gesztenye utca 2, 6500 Baja, Republika Mađarska i Solarna fotonaponska elektrana Trebinje 1, Stepe Stepanovića bb, Trebinje.

1.1. Privredni subjekt Elektroprivreda RS

Privredni subjekt Mješoviti Holding Elektroprivreda Republike Srpske, matično preduzeće a.d. Trebinje, Stepe Stevanovića bb, 89101 Trebinje je dioničarsko društvo organizovano u skladu sa zakonima Bosne i Hercegovine i Republike Srpske (dalje u tekstu: RS) sa registrovanim sjedištem na adresi Stepe Stepanovića bb, Trebinje, upisano u registar Okružnog privrednog suda u Trebinju pod matičnim brojem (MBS): 62-05-0026-11 i jedinstvenog identifikacionog broja (JIB): 44013554500006.

Elektroprivreda RS je društvo koje se bavi snabdijevanjem i trgovinom električne energije koji u svom sastavu ima zavisna društva koja se bave proizvodnjom i distribucijom električne energije. Elektroprivreda RS obavlja javnu uslugu garantovanog i rezervnog snabdijevanja električnom energijom.

Odlukom Vlade RS br.04/1-012-2000/06 od 07.09.2006. godine Elektroprivreda Republike Srpske je organizovana kao mješoviti holding koji se sastoji od Matičnog preduzeća a.d. Trebinje i 11 zavisnih preduzeća (5 proizvodnih i 5 distributivnih preduzeća i Istraživačko razvojni centar IRCE Istočno Sarajevo).

Povezana društva u kojima privredni subjekt Elektroprivreda RS, Matično preduzeće a.d. Trebinje ima 10% ili više udjela u osnovnom kapitalu ili 10% ili više prava glasa su:

- „Elektrokrajina a.d. Banja Luka“ (distribucija električne energije), sa 65,005590% vlasničkog udjela
- „ZP RiTE Ugljeverik a.d. Ugljeverik“ (rudnik i termoelektrana), sa 65,008247% vlasničkog udjela;

- „ZP RiTE Gacko a.d. Gacko“ (rudnik i termoelektrana), sa 65,000002% vlasničkog udjela;
- „ZP HE na Trebišnjici a.d. Trebinje“ (hidroelektrana), sa 64,998217% vlasničkog udjela;
- „HE na Drini a.d. Višegrad“ (hidroelektrana), sa 65,000396% vlasničkog udjela;
- „ZP HE na Vrbasu a.d. Mrkonjić Grad“ (hidroelektrana), sa 64,999415% vlasničkog udjela;
- „Elektro-Doboj a.d. Doboj“ (distribucija električne energije), sa 65,002816% vlasničkog udjela;
- „Elektro-Bijeljina a.d. Bijeljina“ (distribucija električne energije), sa 65,002600% vlasničkog udjela;
- „Elektrodistribucija Pale a.d. Pale“ (distribucija električne energije), sa 65,008247% vlasničkog udjela;
- „Elektrohercegovina a.d. Trebinje“ (distribucija električne energije), sa 65,998217% vlasničkog udjela;
- „IRCE a.d. Istočno Sarajevo“ (istraživačko razvojni centar), sa 51% vlasničkog udjela.

Pored navedenog Matično preduzeće a.d. Trebinje ima 100% udjela u kapitalu preduzeća „Ruding“ d.o.o Ugljevik, kao i 49% udjela u HES Gornja Drina.

Zavisno preduzeće ZP HE na Trebišnjici a.d. Trebinje ima 100% udjela u HE Dabar d.o.o. Trebinje.

Zavisno preduzeće Elektro-Doboj a.d. Doboj ima 100% udjela u HE Paklenica i Cijevna 3 d.o.o.Doboj. Zavisno preduzeće HE na Drini a.d. Višegrad ima 100% udjela u HE Bistrica d.o.o. Foča.

Zavisno preduzeće ZP RiTE Ugljevik a.d. Ugljevik ima 100% udjela u privrednom subjektu Termo Nova do.o.Ugljevik i 1,67% u privrednom subjektu Comsar Energy d.o.o. Banja Luka.

Osnivač i 100% vlasnik privrednog subjekta Elektroprivreda RS je Vlada Republike Srpske.

1.2. Privredni subjekt Lugos

Privredni subjekt Lugos Renewables Karlatolt Felelossegu Tarsasag, sa registrovanim sjedištem na adresi Gesztenye utca 2, 6500 Baja, Republika Mađarska, upisanog u registar privrednih subjekata pod brojem: (..)*² i PDV brojem: (..)*.

Glavne aktivnosti privrednog subjekta Lugos su inženjerske djelatnosti povezane sa solarnim sistemima, tehničko savjetovanje, tehnički pregled, kao i razvoj vezan za provedbu solarnih sistema, sastavljanje istražne dokumentacije, izrada energetskih studija i planova, kao i upravljanje uspješnom povezivanju s energetskim sistemom.

Vlasnička struktura privrednog subjekta Lugos je kako slijedi:

- Reliable Energy Group Zartkoruen Mukodo Reszvenytarsasag sa (..)*% udjela
- Sol-Trust Korlatolt Felelossegu Tarsasag sa (..)*% udjela i
- SOLIDIUM CAPITAL Korlatolt Felelossegu Tarsasag sa (..)*% udjela.

Privredni subjekt Lugos ne djeluje na teritoriji Bosne i Hercegovine i nema povezanih društava u Bosni i Hercegovini.

1.3. Ciljno društvo Trebinje 1

Privredni subjekt Solarna fotonaponska elektrana Trebinje 1, Stepe Stepanovića bb, 89101 Trebinje je upisano u registar Okružnog privrednog suda u Trebinju pod brojem registracije (MBS): 62-01-0045-20 i u 100% je vlasništvu Elektroprivrede RS ukupnog i uplaćenog osnovnog kapitala u iznosu od (..)* KM.

² (..)*- podaci predstavljaju poslovnu tajnu

Privredni subjekt Trebinje 1 je osnovano za potrebe realizacije projekta – izgradnja i korištenje solarnog fotonaponskog postrojenja sa instalisanom snagom od 72,92 MW. Prvobitno je koncesija za projekat dodijeljena Elektroprivredi RS rješenjem Vlade RS broj: 04/1-012-2-2678/20 od 01.10.2020. godine. Ugovor o ustupanju ugovora o koncesiji zaključen je dana 24.06.2021. godine između Elektroprivrede RS kao ustupioaca, Trebinje 1 kao sticaoca ugovora i Vlade RS kao koncudenta.

Trebinje 1 još uvijek nije aktivno na tržištu proizvodnje i distribucije električne energije. Radi se o projektu koji je u pripreмноj fazi, te se aktivnosti na navedenom tržištu očekuju tek za nekoliko godina kada se izgradi i pusti u pogon solarna elektrana.

2. Pravni osnov i pravni oblik koncentracije

Kao pravni osnov ove koncentracije Podnosioci prijave dostavili su Ugovor o kupoprodaji udjela u društvu Solarna fotonaponska elektrana Trebinje 1 (dalje u tekstu: Ugovor), zaključen dana 11.01.2022. godine između Mješoviti Holding Elektroprivreda Republike Srpske, Matično preduzeće a.d. Trebinje, Stepe Stevanovića bb, Trebinje kao prodavca i Lugos Renewables Karlatolt Felelossegu Tarsasag kao kupca na osnovu kojeg se društvo Elektroprivreda RS obavezalo prodati i prenijeti na Lugos (..)*³⁰% ukupnog udjela u osnovnom kapitalu Ciljnog društva, koji odgovara vrijednosti od (..)* KM, zajedno sa svim pravima i obavezama koje postoje ili nastaju od potpisivanja Ugovora. Po ispunjenju uslova za implementaciju Namjeravane transakcije, te nakon zaključenja Ugovora o prenosu udjela u skladu sa Ugovorom, vlasnička struktura Ciljnog društva bit će kako slijedi:

- Elektroprivreda RS će imati udio od (..)*% ukupnog upisanog i uplaćenog kapitala što iznosi (..)* KM
- Lugos će imati udio od (..)*% ukupnog upisanog i uplaćenog kapitala što iznosi (..)*KM.

Nakon implementacije Namjeravane transakcije, Elektroprivreda RS i Lugos će potpisati Ugovor o osnivanju društva u kojem će biti regulisano da imaju zajedničku kontrolu, odnosno zajednički donose ključne odluke koje se tiču upravljanja i poslovanja Ciljnog društva.

U Pismu namjere koje je također dostavljeno Konkurencijskom vijeću, između ostalog, navedeno je sljedeće:

- (..)*

-(..)*

U skladu sa naprijed navedenim, a na osnovu člana 12. stav (1) tačka b) pod 1. Zakona o konkurenciji, pravni oblik koncentracije je sticanje kontrole jednog, odnosno više privrednih subjekata nad drugim, odnosno nad više privrednih subjekata ili dijelom drugog privrednog subjekta, i to kupovinom većinskog udjela osnovnog kapitala u skladu sa odredbama Zakona o konkurenciji.

3. Obaveza prijave koncentracije

Obveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje

³ (..)*- podaci predstavljaju poslovnu tajnu

8.000.000,00 KM, ili ako je zajedničko tržišno učešće učesnika koncentracije na relevantnom tržištu veće od 40,0%.

Ukupni ostvareni godišnji prihodi privrednih subjekata učesnika predmetne koncentracije na dan 31.12.2021. godine iznosili su:

Tabela 1.

Redni br.	Ukupni prihod (KM)	Bosna i Hercegovina	Svijet
1.	Elektroprivreda RS	(..)*	(..)*
2.	Lugos (uključujući i povezana društva)	(..)*	(..)*

Izvor: podaci iz Prijave;

Prema navedenim podacima (Tabela 1.) privredni subjekti ne ispunjavaju uslove ukupnog godišnjeg prihoda iz člana 14. stav (1) tačka b) Zakona, ali dostavljeni podaci iz Prijave pokazuju da učesnici koncentracije ispunjavaju uslov o zajedničkom tržišnom udjelu (zajednički udio na relevantnom tržištu veći od 40,0%) propisan članom 14. stav (1) tačka b) Zakona o konkurenciji.

4. Analiza relevantnog tržišta koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

S obzirom na dostavljene podatke, utvrđeno je da privredni subjekt Elektroprivreda RS, kao vlasnik licence za trgovinu i snabdijevanje električnom energijom na teritoriji BiH i licence za međunarodnu trgovinu električnom energijom, svoju osnovnu djelatnost obavlja na teritoriji entiteta Republike Srpske, pod relevantnim tržištem predmetne koncentracije smatrat će se tržište za proizvodnju, trgovinu i snabdijevanje električnom energijom na teritoriji entiteta Republike Srpske.

Jedan od ciljeva koji su DERK-u postavljeni Zakonom o prenosu, regulatoru i operatoru sistema električne energije u Bosni i Hercegovini u svrhu uključivanja u međunarodno tržište električne energije i uvođenje konkurencije, kao i onemogućavanje monopola u elektroprivrednoj djelatnosti, stvaranje uslova za racionalan i ekonomičan razvoj djelatnosti proizvodnje, distribucije i snabdijevanja električnom energijom na prostoru Bosne i Hercegovine, jeste zaštita općeg javnog interesa, stvaranja podsticaja za postojanje i rad elektroprivrednih društava na načelima nediskriminacije i ravnopravnosti.

U okviru svojih nadležnosti Konkurencijsko vijeće u svim svojim postupcima i to za svaki konkretan slučaj utvrđuje relevantno tržište.

Prema traženim podacima koji su dostavljeni Konkurencijskom vijeću, Podnosioci prijave potvrdili su činjenicu da je tržišni udio Elektroprivrede RS i svih njenih povezanih društava na teritoriji entiteta Federacije BiH sveden na 0 te da je Elektroprivreda RS tek od 01.10.2021. godine snabdijevala jedno privredno društvo B.S.I Jajce (57.23 GWh) što od ukupne energije koju Elektroprivreda RS koristi za snabdijevanje krajnjih kupaca iznosi 2,7% i predstavlja izolovan slučaj.

Prema podacima kojima raspolaže DERK nije zabilježen niti jedan slučaj promjene snabdjevača kako na teritoriji entiteta FBiH tako ni na teritoriji entiteta Republike Srpske u segmentu malih potrošača (domaćinstva, individualni potrošači..).

Dalje, prema navodima iz Prijave, privredni subjekt Elektroprivreda RS, kao vlasnik licence za trgovinu i snabdijevanje električnom energijom na teritoriji BiH i licence za međunarodnu trgovinu električnom energijom, jedini na teritoriji Republike Srpske obavlja djelatnost javnog snabdijevanja krajnjih kupaca (Odluka Vlade RS).

Analizom dostavljenih podataka, Konkurencijsko vijeće je zaključilo da će se električna energija prodavati Elektroprivredi RS po unaprijed utvrđenoj cijeni i količini što potvrđuje zaključak da tržište na kojem se djeluje u ovom postupku jeste tržište teritorije Republike Srpske a što se može vidjeti i iz Tabele 2.

Od navedenih učesnika predmetne koncentracije, samo je privredni subjekt Elektroprivreda RS prisutan na relevantnom tržištu RS. Podnosioci prijave dostavili su podatke o tržišnim udjelima učesnika koncentracije i njegovih konkurenata, i isti su iskazani u narednoj tabeli:

Tabela 2.

Redni br.	Privredni subjekt	Grad Trebinje	entitet RS	entitet FBiH
		Tržišni udio % (tržišta proizvodnje, trgovine i snabdijevanja el. energijom)		
1.	Elektroprivreda RS	90+	90+	0
2.	Ostali	0-10	0-10	100

Izvor: podaci iz Prijave

Na osnovu podataka prikazanih u tabeli 2. Konkurencijsko vijeće je utvrdilo da u 2021. godini tržišni udio privrednog subjekta Elektroprivreda RS, na svim analiziranim tržištima prelazi procenat 40% što je i bio osnov za prijavu ove koncentracije. Međutim, kako privredni subjekt Lugos ni na koji način nije prisutan na utvrđenom relevantnom tržištu, time provođenjem predmetne koncentracije neće doći do strukturalnih promjena na relevantnom tržištu.

5. Ocjena koncentracije

Konkurencijsko vijeće je, nakon procjene i analize podataka i utvrđenih činjenica u postupku donošenja predmetnog Rješenja ocijenilo da provedba predmetne koncentracije ne vodi horizontalnom preklapanju učesnika koncentracije s obzirom da privredni subjekt Lugos ne djeluje na tržištu Republike Srpske, te da će tržišni udjeli privrednog subjekta Trebinje 1 ostati nepromijenjeni, odnosno neće proizvesti promjenu tržišnih pozicija na relevantnom tržištu.

Konkurencijsko vijeće je utvrdilo također da predmetna koncentracija ne sprječava, ograničava niti narušava tržišnu konkurenciju na relevantnom tržištu proizvodnje, trgovine i snabdijevanja

električnom energijom na teritoriji entiteta Republike Srpske te je odlučilo kao u dispozitivu ovog Rješenja.

6. Administrativna taksa

Podnosilac Prijave na ovo Rješenje, u skladu sa članom 2. Tarifni broj 107. tačka d) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06, 18/11 i 75/18) je dužan platiti administrativnu taksu u ukupnom iznosu od 5.000,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred sudom Bosne i Hercegovine u roku od 30 dana od dana prijema, odnosno objave ovog Rješenja.

Predsjednik

Nebojša Popić